

本足

王安石詩集

大東書局印行

王安石詩集

卷一 古詩

元豐行示德逢

四山脩脩映赤日，田背坻如龜兆出。湖陰先生坐草室，看踏溝車望秋實。雷蟠電掣雲滔滔，夜半載雨輪亭臯。旱禾秀發埋牛尻，豆死更蘇肥英毛。倒持龍骨挂屋敖，買酒澆客追前勞。三年五穀賤如水，今見西成復如此。元豐聖人與天通，千秋萬歲與此同。先生在野故不窮，擊壤至老歌元豐。

後元豐行

歌元豐，十日五日一雨風。麥行千里不見土，連山沒雲皆種黍。水秧綿綿復多稌，龍骨長乾挂梁杵。鱖魚出網蔽洲渚，荻筍肥甘勝牛乳。百錢可得酒斗許，雖非社日長聞鼓。吳兒踴歌女起舞，但道快樂無所苦。老翁顰水西南流，楊柳中間枕小舟。乘興歆眠過白下，逢人歡笑得無愁。

夜夢與和甫別如赴北京時和甫作詩覺而有作因寄純甫

水菽中歲樂，鼎茵暮年悲。同胞苦零落，會合尙懷其。況乃夢乖闊，傷懷而賦詩。詩言「道路寒」，乃似北征時。叔兮，今安否？季也來何遲？中夜遂不眠，輾轉涕流離。老我孤主恩，結草以爲期。冀叔善事國，有知無不爲。千里永相望，昧昧我思之。幸唯季優游，歲晚相攜持。於焉可晤語，水木有茅茨。晚蘭佇歸憩，逸屋正華滋。

純甫出釋惠崇畫要予作詩

畫史紛紛何足數，惠崇晚出吾最許。早雲六月漲林莽，移我脩然墮洲渚。黃蘆低摧雪翳土，鳬鴈靜立將俦侶。往時所歷今在眼，沙平水澹西江浦。暮氣沈舟暗魚罟，欹眠嘔軋如聞櫓。頗疑道人三昧力，異域山川能斷取。

方諸承水調幻藥，灑落生綃變寒暑。金坡巨然山數堵，粉墨空多真漫與。大梁崔白亦善畫，曾見桃花淨初吐。酒酣弄筆起春風，便恐漂零作紅雨。鸞流探枝婉欲語，蜜蜂掇藥隨翅股。一時二子皆絕藝，裘馬穿羸久羈旅。華堂豈惜萬黃金，苦道今人不如古。

徐熙花

徐熙丹青蓋江左，杏枝偃蹇花婀娜。一見真謂值芳時，安知有人槩礪羸同朝衆史共排娼，亦欲學之無自可。錦囊深貯幾春風，借問此木何時果。

燕侍郎山水

往時濯足瀟湘浦，獨上九疑尋二女。蒼梧之野煙漠漠，斷壠連岡散平楚。暮年傷心波浪阻，不意畫中能更覩。燕公侍書燕王府，王求一筆終不與，奏論讞死誤當赦。全活至今何可數，仁人義士埋黃土。祇有粉墨歸囊楮，江南種菜漫阡陌，紫芥綠菰何所直。陶生畫此共言好，一幅往往黃金百。北山老圃不外慕，但守荒畦斲荆棘。陶生養目渠養腹，各以所能爲物役。

陶鎮菜

己未耿天騭著作自烏江來，予逆沈氏妹于白鷺洲。遇雪作此詩寄天騭（辛酉冬）天騭復來，誦之遂書于壁。請天騭書所酬于右。

朔風積夜雪，明發洲渚淨。開門望鍾山，松石皓相映。故人過我宿，未盡躋攀興。而我方渺然，長波一歸艇。款段庶可策，柴荆當未暝。與子出東岡，牆西掃新徑。

招約之職方并示正甫書記

往時江總宅，近在青溪曲。井滅非故桐，臺傾尙餘竹。池塘三四月，菱蔓芙蓉蘗。蒲柳亦競時，冥冥一川綠。方

坻最所愛，意謂可穿築，欲往無舟梁。長年寄心目，故人晚得此，心事付草木。消搖欄宇新，攬結蹊隧熟。更能適我願，中水開茆屋。鬼營誅荒梗，人境掃喧囂。濠魚淨留連，海鳥暖追逐。豈無方外客，於此停高躅。憶初桑落時，要我豈非夙。蠶眠忽欲老，一個未言速。當緣東門水，尙遡南浦船。吾廬雖隱翳，賞眺還自足。橫陂受後澗，直塹輪前瀆。跳鱗出重錦，舞羽墮輕玉。碧簫遞舒卷，紫角聯出縮。千枝孫嶧陽，萬本母淇澳。滿門陶令株，彌岸韓侯藪。尙復有野物，與公新聽矚。金鈿擁燕薈，翠被敷苜蓿。蝦蟆能作技，科斗似可讀。櫺軒俯北渚，花氣時度谷。耘耔聊效顰，締構行可續。荒乘儻不倦，一晝敢辭卜。雖無北海酒，乃有平津肉。脩脩仙李枝，城市久煩促。寄聲與俱來，蔭我臺上穀。

同王脩賢良賦龜得升字

世傳一尾龜，百齡此龜逮見隋唐興。雖然天幸免焦灼，想屢縮頸愁嚴凝。前年赴海不量力，欲替鼈負三嵎嶺。番禺使君邂逅見，知困簸蕩因嗟矜。疾呼余且設網取，以組系首羈穿繩。北歸與俱度大庾，兩夫羸屬苦不勝。巖巖秦淮擔送我，云「此一可當十朋。」昔人實龜謂神物，奉事槁骨尤兢兢。殘民滅國遞爭奪，有此乃敢司黎蒸。於時親甲別貴賤，太上藏法傳昆仍。豈如元君須見夢，初知歡喜得未曾。自從九江罷納錫，衆漁賤棄秋不登。卜人官廢亦已久，果獵誰復知殊稱。今君此寶世莫識，我亦坐視心膏膺。櫛牀纒堪比瓦礫，當粟孰肯捐斗升。糝頭腥臊何足嗜，曳尾污穢適可憎。盛澣除聲豈必驗，蹈背出險安敢憑。剗腸以占幸無事，卷殼而食病未能。如聞翕息可視效，乃往有墮崖千層。仰窺朝陽俯引氣，亦得難老如岡陵。諒能學此真壽類，世論妄以蟲疑冰。嗟余老矣，倦呼吸，起晏光景難瞻承。但知故人所玩惜，每戒異物相侵陵。唯憂盜賊今好卜，夜半刳諸無威懲。復恐嚙夫負之走，并竊老木爲薪蒸。淺樊荒圃不可保，守視且寄鍾山僧。

示元度營居半山園作

今年鍾山南，隨分作園囿。鑿池構吾廬，碧水寒可漱。溝西雇丁壯，擔土爲培塿。扶疎三百株，蒔棟最高茂。不求鵝鷄實，但取易成就。中空一丈地，斬木令結構。五楸東都來，斷以遶簷溜。老來厭世語，深臥塞門竇。贖魚與之游，鰕鳥見如舊。獨當邀之子，商略終宇宙。更待春日長，黃鸝弄清晝。

仲明父至宿明日遂行

初登張公門，公子始冠幘。於今見公子，與我偕鬢白。山林坐語笑，宛我在公側。豈惟貌如之，侃侃有公德。憶公營懶鄉，許我歸作客。我歸公既逝，惆悵難再得。子如得公交，懷我忻戚。漂搖將安往，稅駕止一昔。寤言且勿寐，庶以永今夕。何時復能還，裹飯治城宅。

杏花

石梁度空曠，茅屋臨清烟。俯窺嬌饒杏，未覺身勝影。嬌如景陽妃，含笑墮宮井。悵悵有微波，殘粧壞難整。

奉酬約之見招

君家段干木，爲義畏人侵。馮軾信厚禮，踰垣終褊心。川坻甯有此，園屋諒非今。雨過梅柳淨，潮來蒲稗深。種芳彌近渚，伐翳取遙岑。清節亦難尙，曠懷差易尋。子猷憐水竹，逸少愜山林。沉復能招我，親題漢上襟。

寄吳氏女子

伯姬不見我，乃今始七齡。家書無虛月，豈異常歸甯。汝夫綴卿官，汝兒亦搢紳。兒已受師學，出藍而更青。女復知女功，婉孌有典刑。自吾捨汝東，中父繼在廷。小父數往來，吉音汝每聆。旣嫁可顧懷，孰如汝所丁。而吾與汝，毋湯鬢幸小停。丘園祿一品，吏卒給使令。膏粱以晚食，安步而車耕。山泉臯壤間，適志多所經。汝何思而憂，書每說「涕零」。吾廬所封殖，歲久愈華菁。豈特茂松竹，梧楸亦冥冥。芰荷美花實，彌漫爭溝洫。諸孫肯來游，誰謂川無舫。姑示汝我詩，知嘉此林壑。未有擬寒山，覺汝耳目勞。因之授汝季，季也亦淑靈。

贈約之

君胸寒而痞，我齒熱以搖。無方可抹藥，相值久無膠。欲尋秦越人，魂逝莫能招。但當觀此身，不實如芭蕉。

寄楊德逢

山樊老憚暑，獨寤無所適。湖陰宛在眼，曠若千里隔。遙聞青秧底，復作龜兆坼。占歲以知子，將勤而後食。穿溝取西港，此計當未獲。脩脩兩龍骨，豈得長掛壁。晤言久不嗣，作苦何時息。炎天不可觸，悵望新春白。

再次前韻寄楊德逢

一雨洗炎蒸，曠然心志適。如輪浮幢海，滅火十八隔。俯觀風水涌，仰視電雲坼。知公開霽後，過我言不食。翻然陂路長，泥淖困臧獲。明明吾有懷，如日照東壁。莫逢田父歸，倚仗問消息。渠來那得度，南蕩今已白。

仲明父不至（張名軒民仲明父其字也）

月出映溝坻，煙升隱墟落。寒魚占窟聚，暝鳥投枝泊。亭臯閉晚市，隴首歸新穫。佇子終不來，青燭照空壑。

與呂望之上東嶺

靖節愛吾廬，猗玗樂吾耳。適野無世諠，吾今亦如此。紛紛舊可厭，俗子今掃軌。使君氣翔求，眷顧未云已。追隨上東嶺，俯仰多可喜。何以況清明，朝陽麗秋水。微雲會消散，豈久汗塵滓。所懷在分袂，涕淚如洗。

與望之至入功德水

念方與子違，懽悅夜不眠。起視明星高，整駕出東阡。聊爲山水遊，以寫我心悵。知子不鋪糟，相與酌雲泉。

要望之過我廬

念子且行矣，要子過我廬。汲我山下泉，煮我園中蔬。知子有仁心，不忍釣我魚。我池在人境，不與獮獺居。亦復無蟲蛆，出沒爭腐餘。食罷往遊觀，鱣鱣藻與蒲。清波映白日，擺尾揚其鬚。豈魚有此樂，而我與子無。擊壤謠聖

時，自得以爲娛。

聞堊之解舟

子來我樂只，子去悲如何！謂言「且少留」，大舸已凌波。闇黥雖莫測，皇明邁羲娥。脩門歸有時，京水非汨羅。

法雲

法雲但見脊，細路埋桑麻。扶輿度餒水，窈窕一川花。一川花好泉亦好，初晴漲綠深於草。汲泉養之花不老，花底幽人自衰槁。

彎碣

殘暑安所逃，彎碣北牕北。伐醫作清曠，培芳衛岑寂。投衣挂青枝，數簞取一息。涼風過碧水，俯見遊魚食。永懷少陵詩，菱葉淨如拭。誰當共新甘，紫角方可摘。

月夜二首

山泉墮清陂，陂月臨靜路。惜哉此佳境，獨賞無與晤！埭口哆陂陰，要予水西去。呼僮擁草坐，僅使東南注。

二

踰月看流水，水明搖蕩月。草木已華滋，山川復清發。寒裳伏檻處，綠淨數毛髮。誰能挽姮娥，俯濯凌波轢。

兩山間

自予營北渚，數至兩山間。臨路愛山好，出山愁路難。山花如水淨，山鳥與雲閑。我欲拋山去，山仍勸我還。祇應身後塚，亦是眼中山。且復依山住，歸鞍未可攀。

卷二 古詩

題南康晏史君望雲亭

南康父老傳史君，疾呼急索初不聞。未嘗遣汲谷簾水，三歲只望香爐雲。雲徐無心澹無滓，史君恬靜亦如此。颺然一去掃遺陰，便覺歡煩悵千里。歸田負戴子與妻，圃蔬園果西山西。出門亭臯百頃綠，望雲纔喜雨一犁。我知新亭望雲好，欲斷比隣成二老。莫嫌雞黍數往來，爲報襄陽德公嫂。

游亭

朝尋東郭來，西路歷游亭。衆山若怨思，慘澹長眉青。迸水泣幽咽，復如語丁寧。豈予久忘之，而欲我小停。歇鞍松柏間，坐起俯軒櫺。秋日幸未暮，奈何雨冥冥。

光宅寺

脩然光宅淮之陰，扶輿獨來止中林。千秋鍾梵已變響，十畝桑竹空成陰。昔人偃堂有妙理，高座翳遶天花深。紅葵紫萸復滿眼，往事無跡難追尋。

春日晚行

門前楊柳二三月，枝條綠煙花白雪。呼僮羈我果下驢，欲尋南岡一散愁。綠岡初日溝港淨，與我門前綠相映。隔淮仍見裊裊垂，佇立惓悵去年時。杏花園西光宅路，草暖沙晴正好渡。興盡無人橫迎我，却隨倦鷗歸薄暮。

新花

老年少忻豫，況復病在牀。汲水置新花，取慰此流芳。流芳祇須臾，我亦豈久長。新花與故吾，已矣兩可忘。

四皓二首

四皓秦漢時，招招莫能致。紫芝可以飽，梁肉非所嗜。谷廣水渙渙，山長雲泄泄。與其貴而拘，不若賤而肆。

二

秦毆九州逃，知力起經綸。重利誘衆策，頗知聚秦民。頽然此四老，上友千載魂。采芝商山中，一視漢與秦。靈珠在泥沙，光景不可昏。道德雖避世，餘風迴至尊。矯孽一朝正，留侯果知言。出處但有禮，廢興豈所存？

真人

予常值真人，能藏毒而甯，能納穢若淨，能易羶使馨，能解身赫赫，能逆知冥冥。日唯汝心揆，而汝耳目焚；廓然而無營，其孰擾汝靈神？奇實主汝，厭通莫之令。嘻！予豈不知黃帝與焦螟，死心而廢形，乃可少聞靈。顧今親造之，於吾獨剽聆。剗心事斯語，自做以書銘。

寄蔡氏女子二一首

建業東郭望城西，千嶂承宇百泉遶。青遙遙兮纚屬，綠宛宛兮橫逗。積李兮縞夜，崇桃兮炫晝。蘭馥兮衆植，竹媚兮常茂。柳蔦綿兮含姿，松偃蹇兮獻秀。鳥跂兮下上，魚跳兮左右。願我兮適我，有班兮伏獸。感時物兮念汝，遲汝歸兮攜幼。

二

我營兮北楮，有懷兮歸女。石梁兮以苦蓋，綠陰陰兮承宇。仰有桂兮俯有蘭，嗟汝歸兮路豈難？望超然之白雲，臨清流而長嘆。

夢黃吉甫

夢傳失之妄（一作悲）晝翼見而想，豈伊不可懷？而使我心往！山林老顛眊，數日占黃壤。舟輿來何遲？北望屋簷恍。西城薺花時，落魄隨雨桺。歲晚洲渚淨，水消煙渺莽。躊躇壁上字，期我無乃廷。

遊士山示蔡天啓

定林瞰土山，近乃在睂睫。誰謂秦淮廣，正可藏一艤。朝予欲獨往，扶藪強登涉。蔡侯聞之喜，喜色見兩頰。呼鞍追我馬，亦以兩騾挾。斂書付衣囊，裹飯隨藥笈。脩脩阿蘭若，土木老山脅。鼓鍾臥空曠，簞簟雕捷業。外堂廓無主，考擊誰敢輒。坡陀謝公冢，藏椁久穿劫。百金買酒地，野老今行鑷。紆懷起東山，勝踐比稠疊。於時國累卵，楚夏血常喋。外實備艱梗，中仍費調變。公能覺如夢，自喻一蝴蝶。桓溫適自斃，符堅方天厭。且可緩九錫，甯當快一捷。彼哉斗管人，得喪易矜怯。妄言展齒折，吾欲刊史牒。傷心新城垓，歸意終難愜。漂搖五城舟，尙想浮河檝。千秋隴東月，長照西州堞。豈無華屋處，亦捉蒲葵筴。碎金諒可惜，零落隨秋葉。好事所傳玩，空殘法書帖。清談眇不嗣，陳迹恍如接。東陽故侯孫，少小同鼓篋。一官初嶺海，仰視飛鸞跼。窮歸放款段，高臥停遠蹠。牽襟肘卽見，著帽耳纔擊。數椽危敗屋，爲我炊陳滫。雖無膏汚鼎，尙有羹濡筴。縱言及平生，相視開笑靨。邯鄲枕上事，且飲且田獵。或昏眠委翳，或妄走超躐。或叫號而寤，或哭泣而覺。幸哉同聖時，田里老安帖。易牛以賣劍，擊壤勝彈鋏。追憐衰晉末，此土方岌岌。強偷須臾樂，撫事終愁慄。予雖天戮民，有械無接摺。翁今貧而靜，內熱非復葉。予衰極今歲，儻與雞夢協。委蛻亦何恨，吾兒已長鬣。翁雖齒長我，未見白可鑷。祝翁尙難老，生理歸善攝。久留畏年少，譏我兩咭囁。東火扶路還，宵明狐兔慄。蔡侯雄俊士，心憭形亦謀。異時能飛鞚，快若五陵俠。胡爲阡陌間，跼足僅相躡。諒欲交轡語，怯子不能喑。

再用前韻寄蔡天啓

蔡侯東方來，取友無所挾。脩脩一囊衣，偶以一書笈。定林朝自炊，有匕或無筴。時時羹藜藿，鑊大苦難變。驕頑遂敢侮，有甚觀駢脅。澹然山谷中，變色未嘗輒。始見類欺魄，寒暄粗訓接。從容與之語，爛漫無不涉。奇經可治疾，祕祝可解魘。巫醫之所知，瞽史之所業。載車必百兩，惠以方寸攝。微言歸易悟，疾若髭赴鑷。天機信卓越，學等

何足躡縱談及既往每與唐許協揚雄尙漢儒韓愈真秦俠好大人謂狂知微乃如諜惟知造文字人感鬼愁懾秦愬既改罪新耗仍易壘六書遂失指隸草矜敏捷誰珍檀山刻共賞蘭亭帖東京一祭酒收拾偶予愜少嘗妄思索老懶因退怯侯方習篆籀寸管靜嘗壓深原道德意助我耕且獵昔功恐唐捐異味今得鑑京口媚學子追師嘗劫劫陸贏淮汴糧水飢湖海艤遠求而近遺如目不見睫僞鳳易悅楚真龍反驚葉聞子再三歎往往心不厭或自逸而走或喏而不嚼或嗤元郎漫或訛白翁囁鏤金徒欲消韞玉豈愁泥賢愚有定分咄汝無喋喋跨鞍隨我遊曳展聯我貼照泉挹清泚跂石綠菟葉東陂數儻魚西崦追蛺蝶醫林窺搏黍藉草聽批頰黃尋遠蓮鬚紅闊鄰杏靨荏苒光景流楊園忽無葉扶痾歸未久吾見喜甯帖寒裳告我去祿仕當隨牒蕭晨秣款段歸騎得追躡謂言循東路覆出西城堞行矣忍羈旅無魚勿彈鋏天閑久索驥駿足方騰蹀長驅勿驕矜小踬亦勿慄鵬飛九萬里勿借風一筆溟波浩難窮勉自養鱗鬣爵祿實天械功名爲接摺甯能復與我搖漾秦淮檣附書勿辭頻隔歲期滿篋

用前韻戲贈葉致遠直講

葉侯越著姓曹出實楚葉縉雲雖窮遠冠蓋傳累葉心大有所潛肩高未嘗脅飄飄凌雲意強禦莫能懾辟雍海環流用汝作舟楫開胸出妙義可發矇起覺詞如太阿鋒誰敢觸其鉞聽之心凜然難者口因噤搏飛欲峨峨銀墮今貼貼忘情塞上馬適志夢中蝶若金靜無求在治惟所挾載醪但彼惑饋漿非我課經綸安所施有寓聊自愜棋經看在手棋訣傳滿篋坐尋棋勢打側寫棋圖貼攜持山林屐刺擲溝港牒一抨嘗自副當熱甯忘策反嗤樞轂子但守一經笈亡羊等殘生朽筴何足措歡然值手敵便與對七筴縱橫子墮局脂膊聲出堞樵父弛遠擔牧奴停晏饁旁觀各技癢竊議兒女囁所矜在得喪聞此更心慄熟視籠兩手徐思撚長鬚微吟靜愔愔堅坐高帖帖未快巖谷叟斧柯嘗爛泥趨邊取局縮穿腹愁危業或撞關以攻或覷眼而擊或羸行伺擊或猛出追

歸；垂成忽破壞，中斷俄連接；或外示閒暇，伐事先和變；或冒突超越，鼓行令震盪；或粗見形勢，驅除令遠蹙；或開拓疆境，欲并包摠攝；或僅殘尺寸，如黑子著罈；或橫潰解散，如尸僵血喋；或慚如告亡，或喜如獻捷；陷敵未甘，虜報仇方，借使諱輪甯斷頭，悔誤乃批頰，終朝已罷精，既夜未交睫，翻然悟且歎，此何宜劫劫？孟軻惡妨行，陶侃懲廢業，揚雄有前言，韋曜存往牒，晉臣抑帝手，後何啻涉，冶城子爭道，拒父乃如輒，爭也實逆德，豈如私圖怯，藝成况窮苦，此殆天所厭，如今劉與李，倫等安可躡？試令取一毫，亦乏寸金鑄，以此待君子，未與回參協，操具投諸江，道耕而德獵。

白鶴吟示覺海元公

白鶴聲可憐，紅鶴聲可惡；白鶴靜無匹，紅鶴喧無數；白鶴招不來，紅鶴揮不去；長松受穢死，乃以紅鶴故。北山道人曰：「美者自美，吾何爲而喜？惡者自惡，吾何爲而怒？去自去耳，吾何闕而追？來自來耳，吾何妨而拒？吾豈厭喧而求靜？吾豈好丹而非素？汝謂松死，吾無依邪？吾方捨陰而坐露。」

示安大師

道人深北山爲家，宴坐白露眠蒼霞；手扶柅杖雖老矣，走險尙可追麀麀。踞堂俯視何所有，窈窕樛木垂椹櫨；深尋石路仍有栗，持以饋我因烹茶。

示寶覺

宿雨轉敲頻，朝雲擁清迴；蕭蕭碧柳輕，脉脉紅蕖靚。默臥如有懷，荒乘豈無興；幽人適過我，共取牆陰徑。

定林示道原

昨登定林山，俯視東南陔，但見一方白，莫知所從來；濕銀注寒晶，奩以青培堆，迢迢曉靄中，疑有白玉臺！是夕清風興，煩雲豁然開，常娥攀桂枝，顧景久徘徊；杖藜忽高秋，陳迹與子陪，壯觀非復昔，平蕪夜萋萋。

我所思寄黃吉甫

我所思今在彭蠡，一奩寒晶徑千里。天低紺滑風靜止，月澹星渟尤可喜。亦復可憐波浪起，琉璃崩嵌湧顛。叢萬斛之舟，鼓一葦超邑越都如歷指。岸沙雪積山雲委，雲半飛泉挂龍尾。跳空散作平地水，牛乳芳甘那得比？蘿薦冥冥蔭演迤，稍上尋源出奇詭。像圖釋迦祠老子，臺殿晡霓相重累。石槽環除逗清泚，松竹靚深無虎虺。其徒脩然棄塵滓，雖未應真終適已。黃侯可與談妙理，視棄榮宦猶弊屣。每採紫芝求石髓，我欲從之勸游徙。穀城公孫能若此，五老聞之當啓齒。奇聲五老吾念爾，相見無時老將死！

寄朱昌叔

西安春風花幾樹，花邊飲酒今何處？一盃塞上看黃雲，萬里寄聲無雁去。世事紛紛洗更新，老來空得滿衣塵。青山欲買江南宅，歸去相招有此身。

與僧道昇二首

昇也初見我，膚腴仍潔白。今何苦而老，手脚皺以黑。聞有道人者，於今號禪伯。勸汝以一句，西歸瘦如腊。汝觀青青枝，歲寒好顏色。此松亦有心，豈問庭前柏？

二

跋陀羅師能幻物，幻穢爲淨持幻佛。佛幻諸天以戲之，幢幢香果助設施。茫然悔欲除所幻，還爲幻佛力所持。佛天與汝本無間，汝今何恭昔何慢？十方三世本來空，受記豈非遭佛幻！

贈彭器資

鄱水滔天竟東注，氣澤所鍾賢可慕。文章浩渺足波瀾，行義超超有歸處。中江秋浸兩崖間，迥迥與我相往還。我挹其清久未竭，復得縱觀於波瀾。放言深入妙雲海，示我僊聖本所寰。楞伽我亦見髣髴，歲晚所悲行路難。

贈王居士

武林王居士與子俱學佛；以財供佛事，不自費一物。

贈李士雲

李子山水人，而常寓城郭，毫端出窈窕，心手初不著。我聞大梵天，擎跨雞孔雀，執鈴揚赤幡，浩劫淨無作。佳哉子能圖，可以慰寂寞，相與驗其真，他年在寥廓。

卷三 古詩

題半山寺壁二首

我行天即雨，我止雨還住。雨豈爲我行，邂逅與相遇！

二

寒時暖處坐，熱時涼處行。衆生不異佛，佛卽是衆生。

定林寺

衆木凜交覆，孤泉靜橫分。楚老一枝筇，於此徹人羣。城市少美蔬，想今困懷焚。且憑東北風，持寄嶺頭雲！

題定林壁

定林自有主，我爲林下客。客主各有心，還能共岑寂。

移桃花示俞秀老

舍南舍北皆種桃，東風一吹數尺高。枝柯薦綿花爛熳，美錦千兩敷亭臯。晴溝漲春綠周遭，俯視紅影移瀟。初，山前邂逅武陵客，水際髣髴秦人逃。攀條弄芳畏晼晚，已見黍雪盤中毛。仙人愛杏令虎守，百年終屬樵蘇手。

我衰此果復易朽，蟲來食根那得久？
瑤池紺絕誰見有，更值花時且追酒。
君能酩酊相隨否？

對棋與道源至草堂寺

北風吹人不可出，清坐且可與君棋。
明朝投局日未晚，從此亦復不吟詩！

書入功德水庵

幽獨若可厭，真實爲可喜。
見山不礙目，聞水不逆耳。
脩然無所爲，自得而已矣！

放魚

捉魚淺水中，投置最深處。
當暑脫煎熬，脩然泳而去。
豈無良庖者？可使供七箸。
物我皆畏苦，捨之甯啖茹。

霾風

霾風摧萬物，暴雨膏九州。
卉花何其多，天闕亦已稠。
白日不照見，乾坤莽悲愁。
時也獨奈何！我歌無有求？

偶書

惠施說萬物，槩特忘一句。
寄語讀書人，嗷嗷非勝處！

卽事二首

雲從鍾山起，却入鍾山去。
借問山中人，雲今在何處？

二

雲從無心來，還向無心去。
無心無處尋，莫覓無心處！

擬寒山拾得二十首

牛若不穿鼻，豈肯推人磨？
馬若不絡頭，隨宜而起臥。
乾地終不乾，平地終不墮。
擾擾受輪迴，祇緣疑這箇！

二

我曾爲牛馬，見草豆歡喜；又曾爲女人，歡喜見男子；我若真是我，祇合長如此！若好惡不定，應知爲物使；堂堂大丈夫，莫認物爲己。

三

凡夫當夢時，眼見種種色。此非作故有，亦非求故獲。不知今是夢，道我能畜積。貪求復守護，嘗怕水火賊。旣覺方自悟，本空無所得。死生如覺夢，此理甚明白。

四

風吹瓦墮屋，正打破我頭；瓦亦自破碎，豈但我血流。我終不嗔渠，此瓦不自由。衆生造衆惡，亦有一機抽。渠不知此機，故自認愆尤。此但可哀憐，勸令真正脩。豈可自迷悶，與渠作冤讎。

五

若言夢是空，覺後應無記；若言夢非空，應有真實事。燔燒陽自招，沈溺陰自致。令汝嘗驚覺，豈知安穩睡？

六

人人有這箇，這箇沒量大。坐也坐不定，走也跳不過。鋸也解不斷，鎚也打不破。作馬便搭鞍，作牛便推磨。若問無眼人，這箇是甚麼？便遭伊纏繞，鬼窟裏忍餓。

七

我讀萬卷書，識盡天下理。智者渠自知，愚者誰信爾？奇哉閑道人，跳出三句裏。獨悟自根本，不從他處起。

八

幸身無事時，種種妄思量。張三袴口窄，李四帽簷長。失脚落地獄，將身投鑊湯。誰知受熱惱，却不解思量？

九

有一卽有二，有三卽有四。一二三四五，有亦何妨事？如火能燒手，要須方便智。若未解傳薪，何須學鑽燧？

十日見張三，嫌他不守已；歸來自悔責，分別亦非理。今日見張三，分別心復起。若除此惡習，佛法無多子。

十一
傀儡祇一機，種種沒根栽；被我入棚中，昨日親看來。方知棚外人，擾擾一場歎。終日受伊謾，更被索錢財。

十二
季生坦蕩蕩，所見實奇哉！問渠前世事，答我燒炭來。炭成能然火，火過却成灰。灰成卽是土，隨意立根栽。

十三
衆生若有我，我何能度脫；衆生若無我，已死應不活。衆生不了此，便聽佛與奪。我無我不二，四天王獻鉢。

十四
莫嫌張三惡，莫愛李四好；既往念卽晚，未來思又早。見之亦何有，歛然如電掃。惡旣是磨滅，好亦難長保；若令好與惡，可積如財寶，自始而至今，有幾許煩惱？

十五
失志難作福，得勢易造罪；苦卽念快樂，樂卽生貪愛。無苦亦無樂，無明亦無昧；不屬三界中，亦非三界外。

十六
打賊賊恐怖，看客客喜歡。亦有客是賊，切莫受伊謾！樂哉貧兒家，無事役心肝。旣無賊可打，豈有客須看？

十七
有一種貧兒，不能自營生。若不作客走，卽須隨賊行。復有一種貧，常時腹彭亨。若有亦不畜，若無亦不營。